

45. stjórnarfundur haldinn á Hótel Laka, Kirkjubæjarklaustri 30. mars 2011

Mætt: Kristveig Sigurðardóttir, formaður, Rósa Björk Halldórsdóttir, varaformaður, Böðvar Pétursson, Björn Ármann Ólafsson, Hjalti Þór Vignisson, Elín Heiða Valsdóttir, Ingólfur Ásgeir Jóhannesson og Magnús Tumi Guðmundsson.
Einnig: Þórður H. Ólafsson, framkvæmdastjóri.

Hjalti ritar fundargerð.

Kristveig bauð fundarmenn velkomna. Gengið til dagskrár kl. 10.30.

1. Samþykkt dagskrár

Samþykkt.

2. Samþykki fundargerðir símafundar 15. mars 2011.

Lögð fram og samþykkt.

3. Fjárlagagerð 2012 – fyrstu hugmyndir.

Þórður gerði grein fyrir ferli fjárlaga. Lagði fram fyrstu tillögur um óskir um fjárheimildir fyrir rekstur garðsins árið 2012. Kristveig greindi frá sýn sinni á þörf fyrir fleiri starfsmenn í þjóðgarðinum, sérstaklega er varðar afmörkuð verkefni fyrir garðinn, s.s. fræðslumál, mannauðsmál, kynningar- og upplýsingamál og markaðs- og atvinnuþróunarmál. Fundarmenn tóku undir þessi orð. Hjalti benti á aukna þörf í Skaftafelli yfir vetrartímamann vegna vaxandi fjölda ferðamanna, bæði í landvörslu og móttöku gesta. Magnús Tumi ræddi um mikilvægi þess að fjölga störfum þjóðgarðsins á landsbyggðinni, taldi það bæði hagkvæmt og mikilvægt fyrir ímynd garðsins. Elín Heiða og Rósa tóku undir þessi orð. Elín Heiða ræddi um kostnaðarþátttöku í rekstrarkostnaði við gestasýningar á Höfn og Kirkjubæjarklaustri.

Þórður gerði grein fyrir óskum um fjárheimildir fyrir framkvæmdir á vegum garðsins árið 2012. Rætt um forgangsöröðun framkvæmda og sérstaklega rætt um þörf á uppbyggingu á gestastofu á Kirkjubæjarklaustri, byggingu nýs snyrtihús við Dettifoss og lengri tíma sýn á framkvæmdir.

4. Fundur með svæðisráði Vestursvæðis og sveitarstjórn Skaftárhrepps.

Kári Kristjánsson starfsmaður Vatnajökulsþjóðgarðs, Ólafía Jakobsdóttir fulltrúi náttúruverndarsamtaka í svæðisráði, Eydís Indriðadóttir oddviti Ásahreppi og fulltrúi í svæðisráði, Jóna Sigurbjartsdóttir varaoddviti Skaftárhrepps, Eygló Kristjánsdóttir sveitarstjóri, Anton Kári Halldórsson byggingar- og skipulagsfulltrú Skaftárhrepps, Guðmundur Ingi oddviti Skaftárhrepps, Sigurður Skúlason fulltrúi Þingeyjarsveitar í svæðisráði, Snorri Baldurson þjóðgarðsvörður á Vestursvæði mættu á fundinn kl. 11.30.

Elín Heiða bar kveðju frá Leifi Þorsteinssyni fulltrúa útivistarsamtaka í svæðisráði og Erlu Ívarsdóttur fulltrúa ferðaþjónustu í svæðisráði.

Snorri kynnti starfsemi þjóðgarðsins á Vestursvæði, greindi frá landvörslu í Nýjadal og Laka og dagskrá þjóðgarðsins yfir sumarið. Greindi meðal annars frá að fræðsludagskrá verði við Laka,

Kamba, Hólaskjól, Nýjadal, dagana 10. júlí til 14. ágúst. Þá gerði hann grein fyrir framkvæmdum við snyrthús við Laka og stíga og pallagerð við Eldgjá. Sínd var mynd af landvarðarhús í Blágiljum og greint frá notagildi þess. Átak verður gert í merkingum í sumar, á mörkum þjóðgarðsins við Hnútu, við Hólaskjól og við afleggjara inn í Faxasund og inn í Jökulheimia, við Svarthöfða og á Sprengisandsleið sitthvoru megin við Nýjadal. Þá verður komið fyrir upplýsingaskiltum við Eldgjá, Ófærana, Hólaskjól og sitthvoru megin Vonarskarðs. Nýjar gönguleiðir verða merktar við Langasjó og upp á Sveinstind um 2-3 klst leið. Nýtt bílastæði verður gert við Svarthöfða og gönguleið merkt að Heitu-lækjum. Bæklingar verða gerðir annars vegar fyrir Laka, Eldgjá og Langasjó og hins vegar fyrir Tungnafellsjökul og Vonarskarð.

Elín þakkaði Snorra fyrir kynninguna og sagði hún að nú væri komið gott utanumhald um þjóðgarðinn á Vestursvæði og sterk framtíðarsýn um uppbyggingu. Þá gerði Elín grein fyrir svæðisfundi sem svæðisráð Vestursvæðis hefðu hug á að halda þann 14. apríl.

Kristveig þakkaði Snorra fyrir góða kynningu á starfsemi á Vestursvæði. Lýsti yfir ánægju með áform um fræðsludagskrá og merkingu nýrra gönguleiða.

Kristveig greindi frá umræðu um gestastofu á Kirkjubæjarklaustri. Sagði frá fundum um samstarf um uppbyggingu gestastofu með Kirkjubæjarstofu. Sagði að stjórn þjóðgarðsins væri mjög opin fyrir að þróa slíkt samstarf. Jóna sagði frá stefnu samráðshóps um uppbyggingu þekkingarstarfs á Kirkjubæjarklaustri sem hugmyndin væri að tengja starfi þjóðgarðsins. Stefan væri að taka skóflustungu 19. júní 2012. Í framhaldi skapaðist mikil umræða staðsetningu á húsnaðinu. Næstu skref í samvinnu verða ákveðin í apríl og maí.

Að endingu var rætt um fyrirhugaða stækkun þjóðgarðsins á Vestursvæði, yfir Langasjó og Eldgjá. Snorri kynnti fyrirhuguð mörk á svæðinu. Eygló sagði að ekki væri búið að staðfesta skipulagið.

Ólafía, Eydís, Jóna, Eygló, Anton Kári, Guðmundur Ingi og Sigurður viku af fundi kl. 13.00

5. Samráð um samgöngur

Snorri kynnti skjal sem sýnir samráð og samtöl við hagsmunaaðila í aðdraganda að gerð Stjórnunar- og verndaráætlunar Vatnajökulsþjóðgarðs. Í fyrsta lagi er yfirlit yfir samráð sem spannar eitt eða fleiri rekstrarsvæði og í öðru lagi samráð innan einstakra rekstrarsvæða.

Ingólfur lagði áherslu á að í skjalinu yrði fyrirvari um að ekki sé víst að allir fundir hafi verið skráðir og einnig að í skjalið verði settur fyrirvari um að fleiri en mættu á fundina hafi fengið fundarboð en ekki sé í öllum tilvikum til fullkomið yfirlit yfir það.

Kristveig kynnti samantekt Alta um stefnu um samgöngur í Vatnajökulsþjóðgarði, dags. 29. mars 2011 og kynnti hugmynd um skipan í starfshóp. Mikil umræða var um samráð, umræður í fjölmiðlum og almennt um samgöngumál innan þjóðgarðs í framtíðinni. Kristveig lagði til að opna almennt á umræðu um samráð í þjóðgarðinum og þær viðmiðanir sem liggja til grundvallar ákvörðunum í samgöngumál innan þjóðgarðs.

Stjórn sammála um að boða til víðtæks samráðs um samgöngumál í þjóðgarðinum hið fyrsta um þau mál sem deilt hefur verið um að undanförunu. Á fyrsta fundi verði boðið breiðum hópi

hagsmunaaðila og í kjölfarið verði unnið eftir framlagðri samráðsáætlun en tímaramminn hugsanlega lengdur. Stefnt að gerð áfangaskýrslu í byrjun júní þar sem framtíð samráðsins verður metið.

Jafnframt er stjórn sammála um að setja á fót sérstakt samgönguráð sem fjalli almennt um samgöngur innan þjóðgarðsins í framtíðinni, skipulag nýrra svæða og fleira þess háttar.

Stjórn sammála um að mikilvægt sé að kynna farþegum í norrænu fyrir reglum um akstri á hálendinu og utanvegaakstri.

Rósa lagði áherslu á að umhverfisstefna verði gefin út sem fyrst sem sjálfstætt skjal. Var það samþykkt.

Snorri og Kári viku af fundi kl. 17.00.

6. Stjórnunar- og verndaráætlun

Björn Ármann gerði grein fyrir umræðu um stækkun á Austursvæði og fundi um málið með starfsmönnum ráðuneytisins og sveitarstjórn.

Kristveig benti á orð í skýrslu ráðgjafanefndar frá 2006 um nýtingu á landi.

Hjalti nefndi Breiðarmerkursand vestan Jökulsár sem hugsanlegt land innan þjóðgarðs.

Kristveig lagði til að sent yrði til ráðuneytis bréf þar sem áhuga á að þetta land verði tekið inn í þjóðgarðinn væri komið á framfæri.

7. Framkvæmdamál 2010

- Uppgjör við Fsr – *frestað til næsta fundar.*

8. Önnur mál

- Stefnumörkun á innri starfsemi

Þórður kynnti drög að kortlagningu á mannauði og þörf sem starfsmenn hafa unnið. Stjórnin mun taka málið fyrir á næsta fundi sínum. Rætt um landfræðilega dreifingu starfa. Kristveig ræddi um að áhugavert væri að gera samanburð við aðra þjóðgarða í nágrannalöndum í þessum efnun. Stjórn sammála um að Kristveig, Rósa, Ingólfur hitti þjóðgarðsverði og framkvæmdastjóra á fundi um þessi mál.

- Vinir Vatnajökuls/Vatnajökulspjóðgarðs

Frestað til næsta fundar.

- Kortatækni til gjaldtöku

Frestað til næsta fundar.

- Önnur mál

Rósa spurði um hversu mörg fyrirtæki hefðu óskað eftir starfsemi innan þjóðgarðs.

9. Næsti fundur

Ákveðið var að næsti stjórnarfundur verði á suðursvæði þann 27. apríl.

Fundi slitið klukkan 18:05